

Kalaallit Nunaanni eqqartuussissuserisut inatsisilerinermik ikiuuttarnerat pillugu nalunaarut

Kalaallit Nunaanni eqqartuussisarneq pillugu inatsimmi § 84, imm. 3 aamma 4 naapertorlugu, tak. inatsimmik nalunaarut nr. 1581 decembarip 13-ianni 2016-imeersoq, aalajangersarneqarpoq:

Eqqartuussissuserisut inatsisilerinermik ikiorsiisartut

§ 1 Kalaallit Nunaanni eqqartuussisarneq pillugu inatsimmi § 84, imm. 1 malillugu, eqqartuussissuserisut Kalaallit Nunaanni allaffeqarfillit nammineq aningaasartuutiginagu eqqartuussisuler-suussisarnermi sulianik suliarinnissinnaatitaasut inunnu aningaasaqarnikkut piumasagaatinik § 254, imm. 3 malillugu naammassinnittunik inatsisilerinermik ikiorsiisussaapput. Inatsimmi tassanerpiaq § 84, imm. 2 malillugu eqqartuussissuserisut Kalaallit Nunaanni allaffillit, imm. 1-imi aalajangersakkami ilanngunneqanngitsut, inatsisinik atortitsineranut ministerip aalajangigaanik oqartussaasut nalunaaruteqarnikkut, taamaaqataanik pisussaaffeqalersinnaapput.

Imm. 2. Kalaallit Nunaanni eqqartuussissuserisut inatsisilerinermik ikiorsiisartut pillugit Kalaallit Nunaanni Eqqartuussivik nalunaarsuiffiliussaaq iluarsuiffiiguartagassaminik. Nalunaarsuiffik qimerloorneqarsinnaavoq Kalaallit Nunaanni Eqqartuussivimmi, najukkani eqqartuussivinni, Kalaallit Nunaanni Kommunit Kattuffianni (Kanukokami), Kalaallit Nunaanni Naalagaaffiup Sinniisuani najukkanilu atuagaateqarfinni. Nalunaarsuiffik Kalaallit Nunaanni Eqqartuussivimmut najukkanilu eqqartuussivinnut saaffiginninnikkut tunniunneqarsinnaavoq.

Inatsisilerinermik ikiorserneqarnermut aningaasaqarnikkut piumasagaatit

§ 2 Eqqartuussissuserisut inatsisilerinermik ikiuunnissaannik aalajangiinerni isertitanit akileraar- tarneq pillugu Inatsisartut inatsisaanni § 75 malillugu isertitat A-t aamma isertitanit akileraarutit 10.000 kr.-nik ilanngaasikkat pillugit Inatsisartut inatsisaanni § 74 malillugu isertitat B-t katinnerat isertitatut tunngavigineqassaaq, tak. isertitanit akileraarutit pillugit Inatsisartut inatsisaanni § 21, imm. 1 malillugu assigiimmik ilanngaatit, Kalaallit Nunaanni ingerlatseqatigiiffiit iluanaarutaannit akileraarusikkanit iluanaarutaasinnaasunik tapiliussartallit, tak. isertitanit akileraarutit pillugit Inatsisartut inatsisaanni § 86.

Imm. 2. Imm. 1 malillugu naatsorsuinerni atorneqassapput ukiup siuliani isertitanut naatsorsuutit inaerneranni isertitat ersertut ukiumilu pineqartumi Kalaallit Nunaanni ingerlatseqatigiiffiit ilua- naarutigisinnaasaannut uppersaatit atorneqassapput.

Imm. 3. Imm. 1 malillugu naatsorsuinermi 344.000 kr.-nik ikinnerusunilluunniit isertitallit inat- sisitigut ikiorserneqassapput. Inatsisilerinermik ikiorserneqartoq inooqateqarpat aappariillu iserti- taat katillutik 437.000 kr.-iuppata ikinneruppataluunniit inatsisilerinermik ikiorsiisoqassaaq. Aap- pariit suliami soqutigisaat akerleriippata, inatsisilerinermik ikiorserneqartup isertitai kisimiittullu isertitaannut killigitiataq atorneqassaaq. Katissimaneq angajoqqaatulluunniit oqartussaassuseq pillu- gu suliani, tak. Kalaallit Nunaanni eqqartuussiveqarneq pillugu inatsimmi kapitali 27, qinnu- teqaateqartup isertitai aamma kisimiittut isertitaannut killigitiataq atorneqarsinnaapput.

Imm. 4. Aningaasat imm. 3-mi taaneqartut meeqqamut ataatsimut, ilanngullugit meerassanut aam- ma qitornarsiamut ataatsimut 18-it inorlugit ukiulimmut inatsisilerinermik ikioqquneqartumi naju- galimmut imaluunniit taassumanga pilersugaanerusumut ataatsimut 60.000 kr.-nik qaffanneqassap- put.

§ 3 Isertitat naatsorsorneranni inatsisilerinermik ikioqqusup paasissutissiissutigisaannit § 2, imm. 1 malillugu tunngaviumik isertitat naatsorsorneranni tunngavigineqartunit allaanerungaatsiarpata, ullumikkut isertitat annertussusiat tunngavigineqassaaq.

§ 4 Inatsisilerineq pillugu eqqartuussissuserisumut ikioqqusup 2019-mi isertitat pillugit akile-raartarnermut oqartussat inaarutaasumik naatsorsugaat saaffigisaminut takutissavai. Inatsisilerinermik ikioqqusooq inooqateqarpat inooqataasup isertitai inaarlugit naatsorsukkat aamma takutinneqas-sapput. Aappariilli suliami soqutigisaat akерleriippata taanna atuutissanngilaq.

Imm. 2. Inatsisilerinermik ikioqqusup taassumaluunniit inooqataata isertitaat inaarutaasumik naat-sorsorneqarsimangippata imaluunniit ikioqqusup § 3-mi pineqartoq patsisiginiarpagu, ullumikkut isertitaasa uppernarsaataat takutinneqassaaq.

Imm. 3. Immikkut ittumik nukinginnartoqartillugu imm. 1 imaluunniit 2 malillugu uppernarsaam-mik takutitsisoqanngikkaluarpalluunniit, aningaasaqarnikkut piumasagaatit naammassineqartutut isumaqarfigineqarpat § 5, imm. 1 malillugu inatsisilerinermik ikiorsiisoqassaaq.

Inatsisilerinermik ikiorsiinermit suliaqarfiit annertussusiallu

§ 5 Inatsisilerinermik ikiorsiineq oqaatsit atorlugit siunnersuinikkut pisassaaq allakkatigullu saaf-figinnissutit nalinginnaasut allakkiuunneqassallutik, matumani ilanngullugit nammineq aningaasar-tuutigiginagu eqqartuussisulersuussinissamik qinnuteqaatit, eqqartuussinermi suliaasatut allakkiat, pi-gisat avinnissaat pillugu isumaqatigiissusiornerit, testamentit pisariitsut aappariilernermitu isumaqa-tigiissutit.

Imm. 2. Pissutsit immikkut ittut atuutillugit Kalaallit Nunaanni Eqqartuussiviup akuersereenera-tigut eqqartuussissuserisoq inatsisilerinermik annertunerusumik ikiorsiisinnaavoq, aamma suliaq un-nerluussinertaqanngitsumik isumaqatigiissuteqarnikkut naammassineqarsinnaasoq ilimagineqarpat.

Imm. 3. Makkununga inatsisilerinermik ikiorsiisoqarsinnaanngilaq:

- 1) Pinerluttulerinermi pineqaatissiinermiluunniit suliani pisortat paasisaannut unnerluussaannul-luunniit
- 2) sulianut namminersortut suliaannut tunngasunut annertunerunerusumillu inuussutissarsiornermut tun-ngassuteqartunut
- 3) akiitsunik isumakkeerinninneq pillugu sulianut
- 4) sulianut pisortat ingerlatsiviinut tunngasunut taakkunaniluunniit suliarineqartunut pisariaqar-titsineq malillugu pisortat taakkunuuna ilitsersuinissaat ikiuunnissaalluunniit ilimagineqarpat.

Imm. 4. Taamaattorli imm. 3, nr. 4-mi pineqartoq apeqqutaatinnagu pisortat ingerlatsiviata aala-jangiineranut naammagittaalliuut pillugu inatsisilerinermik ikiorsiisoqarsinnaavoq.

Imm. 5. Inatsisilerinermik ikioqqusooq suliami tassani imm. 1 malillugu ikiorserneqarsinnaavoq aamma imm. 2 malillugu piumasagaatit ajornartinnngippassuk annertusisamik inatsisilerinermik iki-orserneqarsinnaalluni.

Imm. 6. Aningaasat § 6-imi taaneqartut iluanni suliaq naammassineqarsinnaanngitsutut siumut ili-simaneqarpat inatsisilerinermik ikiorsiinermit tapiisoqarsinnaanngilaq. Taamaattorli inatsisileriner-mik ikiorsiineq tapiissuteqarfigineqarsinnaavoq aningaasat taaneqartut iluanni suliaq naammaginar-tumik tamanna naammassineqarsinnaasoq eqqartuussissuserisup siunnersuinermi missingersorpa-gu.

§ 6 § 5, imm. 1 malillugu 1.160 kr. tikillugit aningaasarsinikkut eqqartuussissuserisoq nalinginnaa-sumik inatsisilerinermik ikiorsiisinnaavoq.

Imm. 2. Kalaallit Nunaanni Eqqartuussiviup akuersereerneratigut § 5, imm. 2 malillugu 2.660 kr. tikillugit aningaasarsinikkut eqqartuussissuserisoq inatsisilerinermik ikiorsiisinnaavoq.

Imm. 3. Siunnersuinerup annertussusia suussusialu aalajangiisuutillugit imm. 1 aamma 2 malillugit aningaasarsiat marloriaataat tikillugit pisut tunngavigalugit aningaasarsiassanik Kalaallit Nunaanni Eqqartuussivik annertussusiliisinnaavoq.

Aalajangersakkat assigiinngitsut

§ 7 Eqqartuussissuserisoq inatsisilerinermik ikiorsiiumanngissinnaavoq ikioqqusup piunasaqaa- tai tunngavissaqarsorinangippata imaluunniit suliap ingerlanneqarnera eqqartuussissuserisut ileq-quannut eqqortumut akerliuppat.

§ 8 Immikkorluinnaq ittunik pisoqanngippat suliame tassani illuatungiusoq ataasiinnaanngippat nalunaarut manna malillugu inatsisilerinermik ikiorsiinnermut eqqartuussissuserisoq aningaasarsitineqarsinnaanngilaq.

§ 9 § 6 malillugu Kalaallit Nunaanni Eqqartuussivik eqqartuussissuserisumut aningaasarsititsissaaq.

Imm. 2. Kalaallit Nunaanni Eqqartuussiviup suliamek suliarininneranut atugassatut immersuiffissaq oqaasertalersugaq eqqartuussissuserisup immersussavaa. Immersugassaq oqaasertalersugaq Civilstyrelsimiit suliareneqassaaq.

Imm. 3. Immikkut pissutissaqartillugu pingaartumillu § 5, imm. 2 malillugu annertusisamik inatsisilerinermik ikiorsiisoqartillugu aningaasarsiassat tunniutinnginneranni eqqartuussissuserisoq suli-aq pillugu erseqqinnerusumik nassuiaateqassasoq Kalaallit Nunaanni Eqqartuussiviup piunasarisinaavaa.

§ 10 Nalunaarut una atuutilersinneqarpoq 1. januar 2021-mi ullullu taassuma kingorna nalunaarummi aalajangersakkat inatsisilerinermik ikiorsiinnernut atuutissallutik.

Imm. 2. Kalaallit Nunaanni eqqartuussissuserisut inatsisilerinermik ikiorsiisarnerat pillugu nalunaarut nr. 1506, 18. december 2019-imeersoq atorunnaarsinneqarpoq.

Justitsministeria, 14. december 2020

NICK HÆKKERUP

/ Rikke Sidelmann Jørgensen